

বৃহস্পতিবার পরীক্ষা শুরু
এইচএসসিতে নকল
বন্ধে প্রস্তুতিমূলক
বেঠক

নিজস্ব বাতা পরিবেশক : আগামী বৃহস্পতিবার থেকে সারাদেশে এইচএসসি পরীক্ষা শুরু হচ্ছে। নকলমুক্ত পরিবেশে পরীক্ষা অনুষ্ঠিত করতে সরকার এবার বিভিন্ন পদক্ষেপ গ্রহণ করেছে। এ লক্ষ্যে সোমবার ঢাকা জেলা প্রশাসকের কার্যালয়ে এক সভা অনুষ্ঠিত হয়।

ঢাকা জেলা প্রশাসকের সম্মেলন কক্ষে জেলা প্রশাসক ব্যারিস্টার মুহাম্মদ আলীর সভাপতিত্বে অনুষ্ঠিত সভায় বিশেষ অতিথি হিসেবে উপস্থিত ছিলেন মাধ্যমিক ও উচ্চ মাধ্যমিক শিক্ষা বোর্ড, ঢাকার চেয়ারম্যান অধ্যাপক মুহাম্মদ জুনাইদ। এছাড়াও সভায় ঢাকার বিভিন্ন কলেজের অধ্যক্ষবৃন্দ, উপজেলা নির্বাহী কর্মকর্তাগণ, জেলা প্রশাসন ও পুলিশ বিভাগের সংশ্লিষ্ট কর্মকর্তাবৃন্দ উপস্থিত ছিলেন।

সভায় ঢাকা জেলা প্রশাসক জানান, আসন্ন এইচএসসি পরীক্ষা সূষ্ঠ ও নকলমুক্ত পরিবেশে সম্পন্ন করার জন্য সকল প্রশাসনিক ব্যবস্থা গ্রহণসহ কেন্দ্রগুলোতে ম্যাজিস্ট্রেট নিয়োগ করা হয়েছে। এ ব্যাপারে তিনি সংশ্লিষ্ট সকলের সহযোগিতা কামনা করেন। ঢাকা বোর্ডের চেয়ারম্যান অধ্যাপক জুনাইদ জানান, নকলমুক্ত পরিবেশে পরীক্ষা গ্রহণের জন্য বোর্ডের পক্ষ থেকে ব্যাপক প্রস্তুতি নেয়া হয়েছে।